

دائرة مخصوصه

درسعادتده باب عالی جوارنده

محل اداره:

مشرط القلم

اخطار:

مسلكمنزه موافق آثار جديده مع المنوئيه
قبول اور انور

دريج ايدهنن آثار اعاده اور انوار

دينه، فلسفه، علوم، حقوق، ادبياتده و سياسياتده وبالخاصه كرك سياسى و كرك اجتماعى و مدنى احوال و مشورده اسلاميه ديه بحث ايدر و هفته ده بر نشر انور.

آبونه بدلى

صاحب و مؤسسلى:

ابوالعلا زين العابدين - ح. اشرف اديب

سنه لكى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
ساثر ممالك اجنييه	»	۱۷	۹	فرانق

تاريخ تأسيسى

۱۰ تموز ۳۲۴

قبرله دن مقوا بورو ايله كوندريليسره سنوى

۲۰ غروش فضله آلنير

عدد: ۷۲

۸ محرم ۳۲۸ پنجشنبه ۷ كانون ثانى ۳۲۵

اوچنچى جلد

بر کجیه وقوع بولان بر اجتماع کننده وکیل مشارالیه طرفندن ایراد بیوریان
نطقک بر نسخه سنی لقا تقدیم ایدیورم ، رساله نك مسلکته توافق ایتدیکی
تقدیرده درج ونشر بیورلسی باینده .

حافظ فرید

صورت نظری

خلافت کبرای اسلامیة نك مهمان دیشانی، دولت معظمه عثمانیه نك
محبوب وجدانی خدیو مفتخم پاشا حضرتلری !

بنده کز ساعات حیاتیه مده خاطره مبجله سی الی الابد پایدار
قاله حق اولان شومسعود دقیقه ده ایکی نقطه نظر دن دماغ و وجدانده
اویانان افکار علویه وحسیات نجیه نك تأثیراتی آلتده بولمقدیم .
بونلرک برنجیسی حیات رسمیه مک غایه آمالی اعتباریله درک خلافت
اسلامیه و حکومت عثمانیه نك اک پاک ونزیه عناصر کزیده سنک ، اون
ایکی میلیون مصرلینک تمثال علویسی اولان ذات عالی خدیوانه لرینک
شوبله مبارکده ذات شوکتسمات حضرت پادشاهی ایله دولت علیه
قارشو پک بویوک برحس مربوطیت و عشق حمیتله پرورده بویوردقلری
حسیات تعظیمکارانه وتمنیات خدایسندانه نی تلقی ایلمکله مباهی ومسعود
اولدم . مکه شهری کی صدق و اخلاصک منبر قدسیسی اولان بربلده
طاهره دن یوکسان صدای بلندلری اوندای حقیقتدرک بونک ، بوندن
اون درت عصر اول شو جبال مبارک آراسینده ترفع ایدن اصوات
جلیله کی صمیمی اولان طنینلری قیزغین قوملی چوللرک ، آق
کویوکلی دکلرک اوزرندن برعکس صدای ایمان قدسیته ، برسرعت
فکریه ایله کچه جک ؛ بوصورتله قاهره نك عشق واملرینی استانبولک
آغوش تحسر وصمیمیتنه تودیع ایلجه جک وبرخیرلی اولاد بر مشفق
پدری دلشاد ایدم جکدر . بناء علیه بو پیام عالینک بوتون نفاق
ومفسدتلره رغماً تأمین ایدم جکی ظفری ، تولید ایلجه جکی خیرمستقبلی
بوتون موجودیت متفکره ومتحسسه مله ، بوتون حرمت وجدانیه مله
سلامالارم .

ایکنجیسنه کلنجه : بوده صرف شخصیت وجدانیه مک تجلیل
ایتدیکی بر تاریخ مقدسه مربوطیت جهتیله در . اوت ، حضرت محمد
(صلم) ک تبلیغه مأمور بویورلدینی قرآن کریم اخوت بشریه یی
خللدار ایدن جنسیت دیوارلرینی ییقمش ؛ خط استوانک وقطب
شمالینک بوتون نسللرینی ، بیاض و سیاه عرقلری لواء الحمد اسلامیتک
سایه اخوت واتحادی الله دعوت ایلهرک برچوق وجودلره برووح
افاضه ایشمش ، برچوق ملتلی امت واحده حاله کتیرمشدر . بونک
ایچوندرکه اختیار اهراملرک کولکه لری آلتده قلبی دیکلرین بر
مصرلینک عشقی ، اسکی باغودلرک خرابه لری اوزرنده تفکره واران
بر هندلینک رؤیاسیله هم آهنگدر . ماوراءالنهر قیدیلرنده بشیکی
صالانان بر ترک اطلس طاغلرنده مزاری قازیلان بر برینک ماتمیله
دخوندر . بز بو اتحاد ایمان و وجدانک فیوض کریمه سیله بربریمزک
سرور والملمزمه ، امید وامللرمزه اشتراک ایدرز ؛ بر بریمزک اعظم
ودهاتیله افتخار ایلرز . بزه بو درس اخوتی ، برووح اتحادی ویرن
بوکون احرام پوش مساوات اولدقلری حالده طواف بویوردیفکمز
شو کعبه معظمه در . کعبه معظمه ، اوچیوز میلیون اخوان دینمیزک

قبله کاهی اولان بو بیت الهی طواف اولسندینی زمان هر اسلامک
حافظه سنده بورایه خدمت ایدن برچوق اعظمک ، برچوق دهاتک
اسملری اویانیر و علی الخصوص بونلرک آراسنده قواله لی بویوک محمد
علی پاشانک سیای دینداری کوز اوکنه کلر . بنده کزده بیت الهی یی
ایلک دفعه طواف ایلدیکم وقت بویله اولدم . سزک جد محترمکمز ،
بزم مابه الافتخارمن اولان اومبارک وجودی تخطر ایتدم . کندوسی
ایچون پرورده ایدم کلدیکم حس تعظیمی وجدانده بر غلیان بولدم .
اگر مساعده بویورورسه کز بوتحفه حرمتی ذات عالی فخیانه لرینه ،
اونک روح ودهاسنک یاشادینی وجود محترمه عرض واتحاف ایدم .

آثار نفیسه اسلامیة

معارف عمومیہ ناظری امراه افندی اسلاف کرامک کتبخانه
عرفان ملته بریادکار کزینی اولان پک چوق آثار نادره ونفیسه
اسلامیه نك بعض آوروپا مطبعه لری طرفندن طبع وتمثیل ایدلدکلری
حاله مملکتهمزده نسخهلری معدوم دنیلجه جک درجه ده محدود اولدینی
نظردقته الهرق اوکی آثارک مطبعه عامرده طبع وتمثیلی ایچون
ارباب وقوف واختصاصدن مرکب برهیته حواله کیفیت ایدلسنی
تنسیب ایلشدر . مذکورهیته مجلس معارف اعضاسندن حاجی ذهنی
افندی حضرتلری ریاست ایدم جکدر .

§ السنة اجنبیه دن لسانمزه ترجمه ایدیلجه جک کتابلرکده مطبعه
عامرده طبع وتمثیلی اسبابی استکمال قلنه جقدر .

الراجع انباه :

بالفان غزنه سی فلبه مفتیسی سلمان فائق افندی نظردقته وضع ایدیور :
مفتی افندی ! سامعه وجدانکزی براز آچیکمز . بیلمه یز
خبریکز یوقی ؟ سیورکه بابا جامع شریفله بک مسجد جامع شریفی
پارتیزانلر طرفندن اکین خانباری اتحاد ایدلمش ، اکین ده بوسی
یایلمش !

حالبوکه اوقاف اسلامیه اداره سی بومبائی اسلامیه ایچون ایام مبارکده
یاقیلمق اوزره یاغ ویریور ، امام آیلنی ، مؤذن آیلنی اوده یور .
بوندنبویله نمازی اکینلرمی قیلاجق ؟

اگر بوجامعلر لزومسز ایه . برفتوای شریف اصدار ایدیکزده
بیقلسینلر ده ائی ؟ هر حالده بوکی حقارتلردن ، رذالتلردن اولسون
مصون براقیلمش اولور .

روسیه مسلمانلری

اوسمانیشر لوئیدک مخابر مخصوصی یازیور :
گانون اول رومینک اون سکرنجی کونی آفتاصوف وقاریموف
نامنده ایکی مسلمان روسیه نك (اوقا) شهری محکمه سنده محاکمه
ایدلشدر . بونلر کچن یاز بر کتاب نشر ایددرک بونده مکتبلرده
اوقونمق اوزره تاتار لسانیه ترتیب اولنان کتابلرک روس حروفیله
یازیلوب تاتار حروفیله یازلمه سی حقنده معارف نظارتجه تعمیماتبایغ